

高等小學校用 第一學期

新制中華歷史教授書一

上海中華書局發行

新制

中華高等小學歷史教授書 第一冊

目次

古代史

第一課	太古之由來	一
第二課	太古之創造	二
第三課	黃帝	四
第四課	唐堯及虞舜	五
第五課	夏禹之傳子	七
第六課	少康	八
第七課	商成湯	九
第八課	伊尹	十
第九課	周文王武王	十一
第十課	周公召公	十三
第十一課	周穆王	十四
		十六
		十七

新制高等小學歷史教授書

第一冊 目次

一

中華書局印行

第十二課	共和之治	十七……十八
第十三課	東周	十八……二十
第十四課	春秋霸者一	二十……二十一
第十五課	春秋霸者二	二十一……二十二
第十六課	管仲	二十三……二十四
第十七課	孔子	二十四……二十六
第十八課	戰國諸雄一	二十六……二十七
第十九課	戰國諸雄二	二十七……二十九
第二十課	商鞅	二十九……三十
第二十一課	孟子	三十……三十二
第二十二課	游說之士	三十二……三十三
第二十三課	養客之四君	三十三……三十四
第二十四課	古代結論	三十四……三十五

新制

中華高等小學歷史教授書

第一冊

古代史

第一課 太古之由來

要旨

華種之興。苗種之衰。

教材

華種起於亞洲之西北方。當民國紀元五千年以前。自西而來。移居黃河兩岸。漸次南徙。而繁殖於江河之間。其時諸部落中。各戴酋長。以爲之主。無所謂帝王也。先華種而居中國者爲苗種。雜處無文化。自華種東來。漸注意於文化。於是羣苗之勢力日絀。不得已退處於南方。中國大部遂爲華種所有。而苗替矣。

要旨

新制高等小學歷史教授書

第一冊

一

中華書局印行

使生徒知中國諸人種中。華種實爲主人。以其文化之優。故能戰勝苗族。而佔中國之大部。

預備

一繪黃河流域圖於黑板。二教我等皆中國之人。當知中國古今之事。卽歷史是也。講史者多由古以及今。取其可以見人類進化之順序。故今日講太古之由來。三說明史者古之官名。古者國各有史。右史紀言。左史紀動。原所以監察人君。使不敢以君權自恣。後世遂以紀言紀動之書。目之爲史云。

提示

教華種之發源。不在中國本部。而在亞細亞之西北方。五千年前。遷入中國。漸次繁殖於黃河沿岸。後更拓地於南。殖民於江河之間。隨指示黃河流域圖。更增繪長江流域。說明其大概。於是講起六句。教多數人居於一區域之中。利害相同。而戴一人以爲之長。所謂部落政治也。太古之時。世界人類。無不如此。

非獨中國然也。於是講其時諸部中三句。教最先居中國本部者。實爲苗族。迨華人移殖。而苗遂日形衰退。蓋因華種開化最先。一切文明。皆其所創。優勝劣敗。天演公例。故苗遂漸歸凋落云。講先華種而居中國者至畢。

應用

華種以文明優勝於苗族。故能佔中國之大部。而爲之主人。今日列強之文明。更勝於我。諸生對此。不可不生奮發進取之心。以無貽祖宗之羞。是吾人今日之責也。

參考

太古時代。華種自加爾亞巴比倫。東遷而入中國本部。苗種爲交趾中國族。從雲南貴州諸省。而蔓延於安南暹羅。周以前之荊蠻。唐之南詔。皆此族也。

第二課 太古之創造

要目

教材

有巢燧人之創作。伏羲之創作。神農之創作。

太古之民。穴居野處。茹毛飲血。有巢氏始教民構木爲巢。民不至於露處。燧人氏鑽木取火。教民烹飪。民始得有熟食。

太古之民。男女無別。結繩而紀事。伏羲氏乃制嫁娶之儀。正姓氏之系。以救濟之。又製網罟。造書契。作琴瑟。而文化漸興。

其後神農氏出。製耒耜以教耕。嘗百草以療疾。立市廛以便交易。人生利用之物。至是粗備。

要旨

使知今日吾人飲食居處之適宜。書契人倫之美備。皆食先民之遺澤也。

預備

一華種之能勝苗族者。以文明之優於彼族也。有秩序。有教養。使人人享其幸。

福。謂之文明。反是謂之野蠻。我華種之文明孰啓之乎。是固非一人之力也。今爲汝等講之。

提示

教。今日人類生活之具。可謂完美矣。凡宮室之壯麗。飲食之清潔。吾人亦幾安之若素。而不知太古之時。人與禽獸。幾無分別也。講太古之民三句。教人類無爪牙角毒之利。而榛樞之世。毒蛇猛獸極多。其爲人類之害至大。自有巢氏教民巢居。始足以避其害。而風雨寒暑。亦不足爲患矣。講有巢氏二句。教人之所以熟食者。非但取其味之適口也。實所以消去食物中之微生物。使不至害人也。顧熟食必須用火。燧人氏聰明首出。仰觀俯察。而知天地間之有火。始鑽木取之。而烹飪之事起矣。講燧人氏三句。教人類有夫婦。而後有父子。男女無別。則無夫婦。而亦無所謂父子也。自伏羲定嫁娶之禮。人乃有一定之匹偶。血統不至相亂。此姓氏之始也。講太古之民。男女無別。至文化漸興一段。

應用

教人類必自游牧時代。而進爲耕稼時代。蓋因人口漸多。禽獸之肉不足以養之也。神農氏出而田事興。吾人始脫離游牧之社會。而進入於耕稼。即醫藥市廛之事。亦興於是時。厚生利用之術。至是而燦然大備焉。講其後神農氏一段。吾人今日之文明。皆歷代聖人所創造。故吾人亦不可不思發明新學術。新器械。以貽後人之利也。

參考

太古之民。穴居野處。與物爲友。後因人民機智。而物始爲敵。有巢氏作。構木爲巢。教民居之。以避其害。燧人氏觀星辰而察五行。知空中有火。麗木則明。於是鑽木取之。教民烹飪。而民利之。伏羲制嫁娶。以儷皮爲禮。正姓氏。通媒妁。以重人倫之本。易經作結繩而爲綱。害以佃以漁。蓋取諸離。又上古結繩而治。後世聖人易之以書契。百官以治。萬民以察。伏羲斲桐爲琴。繩絲爲絃。絃

要目

二十有七。絙桑爲三十六絃之瑟。而音樂興焉。神農因天時相地宜。斲木爲耜。揉木爲耒。教民藝五穀。而農事始興。帝又味草木之滋。察其寒溫平熱之性。辨其君臣佐使之義。遂作方書。以治民疾。又列廬於國。日中爲市。致天下之民。聚天下之貨。交易而退。各得其所。有巢燧人二氏。載籍失紀。莫知姓氏。年代建都之處。伏羲風姓。生於成紀（今甘肅秦安縣）都陳。在位百十五年。神農姜姓。始都陳（今河南開封縣）繼遷曲阜（今山東曲阜縣）在位一百四十年。

第二課 黃帝

教材

黃帝用兵。黃帝氏創作。

神農氏之後。有黃帝。出造甲兵。立陣法。於時有蚩尤者。苗種之酋長也。始用兵。數侵中國。神農氏之子孫。不能征。黃帝與戰。禽而戮之。於是神農世守之。中國

遂爲黃帝。所有帝又創甲子算數。製律度量衡。定衣冠。鑄貨幣。作宮室。造舟車。利民之政畢舉。古初之部落。至是乃變爲國家。帝之元妃嫫祖。始教民育蠶。後世賴之。迄於今日。

要旨

由酋長而變爲君主。由部落而形成國家。則黃帝是也。

預備

有巢燧人伏羲神農之時。皆部落而非國家。皆酋長而非君主。然則何時始成爲國家乎。蓋在黃帝之時也。民知耕稼。則粒食有資。生計既充。斯武力日競。此黃帝所以能禽殺蚩尤。而統一諸部也。諸部既統一。斯國家之形成矣。

提示

教甲以衛身。兵以禦敵。陣法戰陣之法也。講起四句。教苗族本爲中國之土著。而爲華人所逼逐。黃帝時有蚩尤者。苗族中之英雄也。孔武有力。能造兵器。

能作大霧。虐用其民。攻神農之子孫榆罔。而逐之於涿鹿。黃帝乃徵諸侯。兵與戰於涿鹿。禽殺之。自是苗不能與華競。而華種遂永爲中國之主人矣。講於是。有蚩尤者。至遂爲黃帝所有。句。教黃帝。非但能以武功威天下也。其利民之政。無不備舉。此所以民服其德而畏其威。遂統一諸部落。變酋長而爲君主也。講。又創甲子。至乃變爲國家。句。教絲之爲用。衣被天下。至今尙爲出產之大宗。而發明育蠶之法者。實爲嫫祖。蓋帝之元妃也。講。末四句。

應用

黃帝以武力戰勝異族。以造成中國之國家。吾人今日。以固有之國家。而使積弱如此。對於黃帝。能無愧乎。

參考

神農氏傳八世至帝榆罔而政衰。黃帝少典氏之子。生於軒轅之邱。（今河南新鄭縣）故曰軒轅氏。長於姬。故又以姬爲姓。國於有熊。（即新鄭）故亦曰

有熊氏。在位一百年。周禮司甲注。古用革謂之甲。今用金謂之鎧。劉熙釋名。甲似物有莖。甲以自衛也。黃帝命其臣揮作弓。夷牟作矢。又衍握奇之法。設五旗五麾六纛而制其陣。蚩尤好兵喜亂。作刀戟大弩。以兼并諸侯。攻炎帝榆罔。榆罔遷居涿鹿。黃帝乃徵師諸侯。與蚩尤戰於涿鹿之野。蚩尤作大霧。軍士昏迷。帝爲指南車。以示四方。遂禽蚩尤而戮之。命大撓作甲子。干支相配以名日。又命隸首定數。而律度量衡由是興焉。帝作冕旒。爲玄衣黃裳。染五彩爲文章。以表貴賤。又範金爲貨。制金刀。立五幣。以制國用。廣宮室之制。作合宮。以祀上帝。命共鼓化狐作舟楫。以濟不通。命邑作車。以行四方。嫫祖。西陵氏之女。後世祀爲先蠶。

第四課 唐堯及虞舜

要目

帝堯仁政 虞舜之治

教材

自黃帝以後。歷數傳而有唐堯。堯之爲君也。施仁政。尙儉樸。民有飢者。曰。吾飢之也。有寒者。曰。吾寒之也。有罪者。曰。吾陷之也。故人民戴之如日月。愛之如父母。中國大治。及其晚年。禪位於虞舜。

舜初繼堯。用禹治洪水。有功中國。即位以後。興教育。考百官。巡狩四方。世人合唐堯之政。稱之曰唐虞之治。而其禪讓君位。不敢自私。尤爲歷史所未見。

要旨

堯舜以天下爲公。不私君位。乃共和之先導也。

預備

自黃帝統一諸部。成爲國家。君權既固。乃得從事於休養生息。而人民始享太平之樂矣。迨黃帝歿後。傳少昊。顓頊。帝嚳。帝摯。而陶唐氏興。此時草昧既通。文明大啓。世運推極盛焉。

提示

教堯知人君之職。在於教民養民。故民之飢寒陷罪。皆引爲一己之責。蓋彼真能知君主爲人民之公僕。故厚於待人。儉於奉己也。講起句至吾陷之也。教堯之爲君如此。故民之愛之也亦極摯。使人而皆能如堯也。則世界必永無革命之事矣。講故人民對之三句。教堯惟不知君位之可貴。故能勤身愛民。而其愛民之意無窮。故必欲得如己之愛民者。而授之以位。講及其晚年二句。教堯因四岳之薦。乃妻舜以二女。而使九男事之。既而命舜攝位。初堯使鯀治水九年而無功。至是舜殛鯀於羽山。而使禹繼之。洪水以平。講舜初繼堯三句。教舜既即位。亦如堯之愛民。而其治功更爲光大。講即位以後。至唐虞之治。教君位本無可私。而後世之人君。無不私爲己有。故唐虞之禪讓。至今傳爲美談也。講末三句。

應用

堯舜稱官天下。以其公而無私也。使人能以堯舜之心爲心。何至有攬權營私之弊乎。

參考

帝堯。高辛氏次子。曰放勳。育於母家伊侯之國。後徙耆。故曰伊耆氏。年十三。佐帝摯封植。受封於陶。又封於唐。故曰陶唐氏。年十六。諸侯廢摯而立爲天子。都平陽（今山西臨汾縣）在位一百年。帝十二載一巡狩。周流五嶽。存鰥寡。賑荒札。一民飢。則曰我飢之。一民寒。則曰我寒之。一民罹辜。則曰我陷之。故民戴之如日月。愛之如父母。堯堂高三尺。土階三等。茅茨不翦。帝在位七十載。而使舜攝政。帝舜。顓頊五世孫。父瞽瞍。母握登。生於姚墟（今山西永濟縣）故姓姚。其先國於虞。故曰有虞氏。都蒲阪（即姚墟）在位四十八年。舜命契爲司徒。以敷五教。三載考績。三考黜陟攸明。舜五載一巡狩。

第五課 夏禹之傳子